



JAVNA USTANOVA  
**DOM ZDRAVLJA**  
ZAVIDOVIĆI

*Gazi Husrev-begova 25*

*tel.(032)878-877*

*fax (032)879-088*

*e-mail: polikzav@bih.net.ba*

*web : www.dzzavidovici.ba*

*Identifikacioni broj: 4218122690008*

*PDV broj: 218122690008*

*Žiro računi : ASA Banka d.d. Sarajevo : 134030000007482*

*Raiffeisen bank d.d. BiH Sarajevo – filijala Zenica : 1610550009120069*

---

---

## UPRAVNI ODBOR

Broj:01-2.16-2918/23

Datum:12.8.2023. godine

Upravni odbor JU „Dom zdravlja“ Zavidovići na osnovu člana 38. Statuta JU „Dom zdravlja“ Zavidovići i člana 70. i 89. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14 i 59/22), na svojoj 52. sjednici održanoj dana 12.08.2023. godine, donosi

### ODLUKU

o izboru najpovoljnijeg ponuđača za nabavku usluga osiguranja od profesionalne odgovornosti zaposlenih Javne ustanove «Dom zdravlja» Zavidovići

#### Član 1.

Ugovor o nabavci usluga osiguranja od profesionalne odgovornosti zaposlenih Javne ustanove «Dom zdravlja» Zavidovići za period od 12 mjeseci, dodjeljuje se ponuđaču **Sarajevo osiguranje d.d. Sarajevo.**

#### Član 2.

Ponuda ponuđača **Sarajevo osiguranje d.d. Sarajevo**, u provedenom konkurentskom zahtjevu za dostavu ponuda bila je prihvatljiva ponuda i nakon provedene e-aukcije, imala je najnižu cijenu, te će se ovom ponuđaču ponuditi Ugovor o nabavci usluga osiguranja od profesionalne odgovornosti zaposlenih Javne ustanove «Dom zdravlja» Zavidovići za period od 12 mjeseci u ukupnom iznosu od **5.999,90 KM bez PDV-a.**

#### Član 3.

Drugi po rangu, nakon provedene e-aukcije, bio je ponuđač **Asa Central osiguranje d.d. Sarajevo** sa ukupnom cijenom ponude u iznosu od **6.000,00 KM bez PDV-a.**

#### Član 4.

Ponuda ponuđača WIENER OSIGURANJE A.D. BANJA LUKA , odbacuje se kao neprihvatljiva na osnovu člana 66. stav 1. i 68. stav 4. tačka f) Zakona o javnim nabavkama, jer pisanim objašnjenjem ponuđača nije otklonjen nedostatak ili nejasnoća.

#### Član 5.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

#### Član 6.

Izabrani ponuđač **ne mora dostaviti** original ili ovjerene fotokopije dokumentacije iz člana 5. ove odluke iz razloga jer je u ponudi dostavio ovjerene fotokopije sljedećih dokumenata:

- a) Uvjerenje Suda Bosne i Hercegovine, broj: SU-03-4512/23 od 23.05.2023. godine da pravnom licu nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu člana 45. stav 2. tačka a) Zakona o javnim nabavkama – ovjerena fotokopija 21.07.2023. godine
- b) Uvjerenje Općinskog suda u Sarajevu, broj: 65 0 Kr 23 007484 od 17.05.2023. godine da ponuđaču nije izrečena pravosnažna osuđujuća presuda za krivično djelo učešća u kriminalnoj organizaciji, korupciju, prevaru ili pranje novca u smislu člana 45. stav 2. tačka a) Zakona o javnim nabavkama – ovjerena fotokopija 21.07.2023. godine
- c) Uvjerenje Općinskog suda u Sarajevu, broj: 065-0R-23-001106 od 17.05.2023. godine da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti člana 45. stav 2. tačka b) Zakona o javnim nabavkama – ovjerena fotokopija 21.07.2023. godine
- d) Uvjerenje Porezne uprave Federacije – Porezna ispostava Centar, broj: 13-9/4-12-5-2015/23 ABB od 17.05.2023. godine da ponuđač nema duga po osnovu javnih prihoda, direktnih poreza doprinosa za PIO/MIO, doprinosa za zdravstveno osiguranje i doprinosa za osiguranje od nezaposlenosti – ovjerena fotokopija 21.07.2023. godine
- e) Uvjerenje Uprave za indirektno oporezivanje –Regionalni centar Sarajevo, broj: 02/6/II-16-11-20-5640-1/23 od 19.05.2023. godine da ponuđač nema dospelih, a neizmirenih obaveza po osnovu indirektnih poreza, prihoda i taksu – ovjerena fotokopija 21.07.2023. godine.

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj: 01-2.13-2698/23 od 27.7.2023. godine, a u Tenderskoj dokumentaciji, broj: 01-2.12-2477/23 od 14.07.2023. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.1., u „NAPOMENI“, propisano je da ponuđač može uz Izjavu/Aneks br. 4 tj. uz svoju ponudu, odmah dostaviti i tražene dokaze koji su navedeni u izjavi. Ovim se ponuđač oslobađa obveze naknadnog dostavljanja dokaza ako bude izabran.

### **Član 7.**

Ova odluka stupa na snagu danom donošenja.

### **Obrazloženje**

Obavještenjem o nabavci, broj: **638-7-2-135-3-74/23**, koje je objavljeno na portalu javnih nabavki dana 14.07.2023. godine, te u Službenom glasniku BiH, broj 51 od 21.07.2023. godine, pokrenut je konkurentski zahtjev za dostavu ponuda za nabavku usluga osiguranja od profesionalne odgovornosti zaposlenih Javne ustanove «Dom zdravlja» Zavidovići za period od 12 mjeseci.

Tendersku dokumentaciju za predmetnu nabavku, sa portala javnih nabavki preuzelo je 7 ponuđača i to: ASA CENTRAL OSIGURANJE D.D. SARAJEVO, EKAPIJA DOO, BBS EUROPE, WIENER OSIGURANJE VIG A.D., SARAJEVO-OSIGURANJE D.D., ADRIATIC OSIGURANJE D.D. PODRUŽNICA ZENICA i TRIGLAV OSIGURANJE D.D. .

Na adresu JU “Dom zdravlja” Zavidovići, za nabavku usluga osiguranja od profesionalne odgovornosti zaposlenih JU «Dom zdravlja» Zavidovići za 12 mjeseci dostavljene su tri ponude i to: ASA CENTRAL OSIGURANJE D.D. SARAJEVO, SARAJEVO-OSIGURANJE D.D. SARAJEVO i WIENER OSIGURANJE A.D. BANJA LUKA.

Komisija za javne nabavke (u daljem tekstu: Komisija) je izvršila otvaranje ponuda dana 25.07.2023. godine u Sali za sastanke u JU «Dom zdravlja» Zavidovići u 15,00 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da dvije ponude odgovaraju uslovima iz tenderske dokumentacije, odnosno da su prihvatljive ponude, a da jedna ponuda nije prihvatljiva.

Neprihvatljivom je ocijenjena ponuda ponuđača WIENER OSIGURANJE A.D. BANJA LUKA.

Ponuđač **WIENER OSIGURANJE A.D. BANJA LUKA** dostavio je ponudu za nabavku usluga osiguranja od profesionalne odgovornosti zaposlenih Javne ustanove «Dom zdravlja» Zavidovići čija cijena iznosi **1.842,24 KM bez PDV-a**.

Privatljive ponude ostalih ponuđača iznosile su 6.000,00 KM bez PDV-a i 5.999,90 KM bez PDV-a.

Uputstvom za pripremu modela tenderske dokumentacije i ponuda (“Službeni glasnik Bosne i Hercegovine“, broj: 90/14) u članu 17. stav 7. propisano je da ugovorni

organ obavezno od ponuđača traži objašnjenje cijene ponude koju smatra neprirodno niskom ako su ispunjeni sljedeći uslovi:

- a) cijena ponude je za više od 50 % niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
- b) cijena ponude je za više od 20 % niža od cijene drugorangirane prihvatljive ponude.

U slučaju ponude ponuđača WIENER OSIGURANJE A.D. BANJA LUKA ispunjena su oba uslova iz člana 17. stav 7. Uputstva za pripremu modela tenderske dokumentacije i ponuda.

Naime, cijena ponude ponuđača WIENER OSIGURANJE A.D. BANJA LUKA iznosi 1.842,24 bez PDV-a, što je za 69,30 % niža cijena od prosjeka preostalih prihvatljivih ponuda, s obzirom da su primljene najmanje tri prihvatljive ponude, a ujedno u odnosu na drugorangiranu ponudu cijena ponude ponuđača WIENER OSIGURANJE A.D. BANJA LUKA je također za 69,30 % niža cijena od cijene drugorangirane prihvatljive ponude.

Shodno utvrđenom činjeničnom stanju, a u skladu sa članom 17. stav 7. Uputstva za pripremu modela tenderske dokumentacije i ponuda i članom 66. Zakona o javnim nabavkama ("Službeni glasnik Bosne i Hercegovine", broj: 39/14 i 59/22), ugovorni organ je zatražio objašnjenje cijene ponude ponuđača WIENER OSIGURANJE A.D. BANJA LUKA koju je smatrao neprirodno niskom u konkretnom postupku nabavke.

Objašnjenje neprirodno niske cijene ponuđač WIENER OSIGURANJE A.D. BANJA LUKA bio je dužan dostaviti pismeno, a isto je trebalo da sadrži detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene, na način kao što je propisano članom 66. Zakona o javnim nabavkama, koji glasi:

„(1) Ako ugovorni organ ocijeni da je ponuđena cijena neprirodno niska, pismeno će od ponuđača zahtijevati da obrazloži ponuđenu cijenu. Ako ponuđač ugovornom organu ne ponudi osnovano obrazloženje, koje može, između ostalog, sadržavati i poređenje s cijenama na tržištu, ugovorni organ odbacit će ponudu.

(2) Ponuđač je dužan pismeno dostaviti detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene.

Ugovorni organ razmatra objašnjenja koja se na primjeren način mogu odnositi na:

- a) ekonomičnost proizvodnog procesa, pruženih usluga ili građevinske metode;
- b) izabrana tehnička rješenja i/ili izuzetno pogodne uslove koje ponuđač ima za dostavu robe ili usluga ili za izvođenje radova;
- c) originalnost robe, usluga ili radova koje je ponuđač ponudio;
- d) usklađenost s važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad;
- e) mogućnost da ponuđač prima državnu pomoć.

(3) Ako ugovorni organ utvrdi da je ponuda neprirodno niska zato što ponuđač prima državnu pomoć, ponuda može biti odbačena samo ako ponuđač nije u mogućnosti dokazati, u razumnom roku koji je odredio ugovorni organ, da je državna pomoć dodijeljena u skladu s važećim zakonom.“

Zahtjev za objašnjenje cijene ponude, dostavio se ponuđaču WIENER OSIGURANJE A.D. BANJA LUKA, putem e-maila dana i putem pošte, te je objašnjenje neprirodno niske cijene, ponuđač trebao dostaviti na fax: 032-879-088 ili E-MAIL: polikzav1@bih.net.ba ili na adresu Gazi Husrev-begova 25, Zavidovići do 01.08.2023. godine do 15,00 sati.

Istekom roka za dostavljanje odgovora na Zahtjev za objašnjenje cijene ponude, broj: 01-2.15-2701/23 od 28.07.2023.godine, tj. 01.08.2023. godine u 15,00 sati, nije dostavljen odgovor, odnosno objašnjenje neprirodno niske cijene, od strane ponuđača WIENER OSIGURANJE A.D. BANJA LUKA.

U Zahtjevu za objašnjenje cijene ponude, broj: 01-2.15-2701/23 od 28.07.2023.godine, naznačeno je da odgovor na isti, odnosno objašnjenje neprirodno niske cijene, ponuđač WIENER OSIGURANJE A.D. BANJA LUKA treba dostaviti na fax: 032-879-088 ili E-MAIL: polikzavl@bih.net.ba ili na adresu Gazi Husrev-begova 25, Zavidovići **do 01.08.2023. godine do 15,00 sati**, kako bi Komisija za javne nabavke mogla nastaviti postupak ocjene ponude za nabavku usluga osiguranja od profesionalne odgovornosti zaposlenih Javne ustanove «Dom zdravlja» Zavidovići za period od 12 mjeseci.

Zahtjev za objašnjenje cijene ponude, broj: 01-2.15-2701/23 od 28.07.2023.godine, dostavljen je ponuđaču WIENER OSIGURANJE A.D. BANJA LUKA, putem e-maila dana 28.07.2023. godine i 31.07.2023. godine i putem pošte dana 31.07.2023. godine.

Također, odgovor, odnosno objašnjenje neprirodno niske cijene, od strane ponuđača WIENER OSIGURANJE A.D. BANJA LUKA, nije dostavljen niti naknadno putem pošte, te je **komisija nastavila rad dana 03.08.2023. godine, sa početkom u 15,00 sati.**

Članom 66. stav 1. Zakona o javnim nabavkama ("Službeni glasnik Bosne i Hercegovine", broj: 39/14 i 59/22), propisano je sljedeće :

„(1) Ako ugovorni organ ocijeni da je ponuđena cijena neprirodno niska, pismeno će od ponuđača zahtijevati da obrazloži ponuđenu cijenu. Ako ponuđač ugovornom organu ne ponudi osnovano obrazloženje, koje može, između ostalog, sadržavati i poređenje s cijenama na tržištu, ugovorni organ odbacit će ponudu.“

Imajući u vidu da ponuđač nije dostavio traženo objašnjenje ponude, odnosno neprirodno niske ponuđene cijene, ugovorni organ je, na osnovu člana 66. stav 1. Zakona o javnim nabavkama bio **dužan odbaciti predmetnu ponudu.**

Članom 68. stav 4. tačka f) propisano je da je ugovorni organ dužan odbaciti zahtjev za učešće ili ponudu u slučaju kad u ponudi pisanim objašnjenjem ponuđača nije otklonjen nedostatak ili nejasnoća.

Usljed utvrđenog činjeničnog stanja, **ponuda ponuđača WIENER OSIGURANJE A.D. BANJA LUKA odbačena je shodno članu 66. stav 1. i članu 68. stav 4. tačka f) Zakona o javnim nabavkama jer ugovornom organu nije ponudio osnovano obrazloženje neprirodno niske cijene i u ponudi pisanim objašnjenjem ponuđača nije otklonjen nedostatak ili nejasnoća.**

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku usluga osiguranja od profesionalne odgovornosti zaposlenih JU «Dom zdravlja» Zavidovići za period od 12 mjeseci, utvrđeno je da su dvije ponude prihvatljive, usljed čega je bio ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine).

Ugovorni organ odlučio je da e-aukciju zakaže za **07.08.2023. godine sa početkom u 11,30 sati, te da će e-aukcija trajati 10 minuta.**

Prvobitni rang ponuđača koji je utvrđen na osnovu cijena iz ponuda i na osnovu kojeg je i zakazana e-aukcija bio je sljedeći:

Tabela: uporedba cijena - rangiranje

Ponudač:	ASA CENTRAL OSIGURANJE D.D. SARAJEVO	SARAJEVO- OSIGURANJE D.D. SARAJEVO	Najniža vrijednost ponude
Vrijednost	6.000,00	5.999,90	5.999,90
Rang	2	1	

Ugovorni organ iz sistema e-nabavke, preuzeo je izvještaj o toku i završetku e-aukcije 07.08.2023. godine u 13:48 sati, te je nakon okončane e-aukcije nastavio rad na ocjeni ponuda u ovom postupku, dana 07.08.2023. godine sa početkom u 15,30 sati.

Iz izvještaja se može utvrditi da u toku e-aukcije nije bilo podnošenja ponuda, te da je nakon okončane e-aukcije prvorangirani ponuđač SARAJEVO-OSIGURANJE D.D. SARAJEVO sa najnižom cijenom ponude u iznosu 5.999,90 KM bez PDV-a, a drugi po rangju je ponuđač ASA CENTRAL OSIGURANJE D.D. SARAJEVO sa ukupnom cijenom ponude u iznosu od 6.000,00 KM bez PDV-a.

Cijeneći pravilnost provedenog konkurentskog zahtjeva za dostavu ponuda za nabavku usluga osiguranja od profesionalne odgovornosti zaposlenih JU «Dom zdravlja» Zavidovići za period od 12 mjeseci, te datu preporuku od strane Komisije za javne nabavke odlučeno je kao u dispozitivu ove Odluke.

**PRAVNA POUKA:** Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

**DOSTAVLJENO:**

1. SARAJEVO OSIGURANJE d.d. Sarajevo
2. ASA osiguranje d.d. Sarajevo
3. WIENER OSIGURANJE A.D. BANJA LUKA
4. a/a

PREDSEDNIK  
UPRAVNOG ODBORA  
Menić Elvira

